

光緒山西通志

列女錄一

錄十二之一

山西通志第一百六十二

賜進士出身頭品頂戴兵部侍郎兼都察院右副都御史巡撫山西提督軍務臣張煦奉

旨監修

漢劉向采輯古經創傳列女其後項原皇甫謐之流遞相沿襲並有撰述新唐書藝文志著錄至十六家今皆散佚獨向書僅存篇中所列有虞二如稷母姜嫄啟母塗山尙已其他有關晉乘者黎莊夫人以貞代王夫人以烈百里奚妻以節趙津女娟以孝若秦穆姬晉文姜趙衰妻羊叔姬范氏母伯宗妻弓工妻則皆以賢著者也特其書經奏進意主箴規賢妃之外並及嬖孽辰羸諸人亦所不遺論者遽以駁雜譏之殊味本旨然固不得執爲彤史之通例也夫王化之原由內及外婦女之行貞節爲先魏晉以後旌典漸興沿及有明著

於令甲獎勵既殷興起遂衆

國家人紀肇修化成俗美矢節者定爲限年之格殉義者得
邀特旌之榮近歲德義愈廣采風所及徧逮窮檐烏頭棹楔
比閭相望其書於志乘者不啻百倍於前風化之隆稱極盛
焉輒規仿向書參稽別紀類爲宮闈節孝貞烈賢淑各篇敘
述不及三代仍前例也事蹟不盡詳則臚書其姓氏準明史
也年代無可稽則類次以郡縣從舊志亦以便循覽也

宮闈

后妃附
公主

節孝

晉至
元

后妃

薄太后父吳人魏豹立爲王母魏媼納其女於魏宮有許負
者善相相薄姬云當生天子漢使曹參等擊虜魏王薄姬輸
織室高祖入織室見薄姬有色詔內後宮歲餘召而幸之薄

姬曰昨暮夜妾夢蒼龍據吾腹內高帝曰此貴徵也一幸生男是爲代王其後薄姬希見高祖後從子之代爲代王太后代王立十七年大臣迎立之是爲孝文帝而太后改號曰皇太后以孝景帝前二年崩葬近霸陵號曰南陵

孝武衛皇后字子夫出不陽侯邑爲平陽主謚者武帝初卽位數歲無子平陽主求諸良家子十餘人飾置家武帝祓霸上還因過平陽主主見所侍美人上弗悅旣飲謚者進上望見獨悅子夫武帝起更衣子夫侍尙衣軒中得幸上還坐驪甚賜平陽主金千斤主因奏子夫奉送入宮歲餘竟不復幸武帝擇宮人不中用者斥出歸之子夫得見涕泣請出上憐之復幸遂有身尊寵日隆召其兄衛長君弟青爲侍中而子夫後大幸有寵凡生三女一男男名據時陳皇后驕貴及廢

乃立子夫爲后子據爲皇太子衛氏枝屬以軍功起家五人爲侯貴震天下天下歌之曰生男無喜生女無怒獨不見衛子夫霸天下後遭巫蠱自殺宣帝立追謚思后

孝宣霍皇后光女也既立爲后循許后故事五日一朝皇太后於長樂宮親奉案上食以婦道共養而皇太后親霍后之弟子故常竦體敬而禮之皇后與駕侍從甚盛賞賜官屬以千萬計與許后時懸絕矣

孝元馮昭儀潞人奉世女平帝祖母也元帝卽位二年以選入宮後五年就館生男拜爲婕妤好寵與傅昭儀等建昭中上幸虎園關獸能逸出園攀檻欲上殿左右貴人傅昭儀等皆驚走馮婕妤直前當熊而立左右格殺熊上問人情驚懼何故當前婕妤對曰猛獸得人而止妾恐熊至御坐故以身當

之元帝嗟歎以此深敬重焉傅昭儀等皆慚明年夏男立爲信都王尊婕妤爲昭儀成帝初爲信都太后河平中隨王之國後徙中山是爲孝王孝王薨一男嗣爲王有胄病太后自養視數禱祠解哀帝卽位傅昭儀上尊號因素怨馮太后誣以罪飲藥自殺

孝成班婕妤好鴈門樓煩人況女成帝初卽位選入後宮始爲少使俄而大幸爲婕妤居增城舍再就館有男數月失之成帝游於後庭嘗欲與同輦載辭曰觀古圖畫賢聖之君皆有賢臣在側三代末乃有嬖女今欲同輦得毋近似之乎上善其言而止太后聞之喜曰古有樊姬今有班婕妤好婕妤誦詩及窈窕德象女師之篇每進見上疏依則古禮鴻嘉後進侍者李平亦立爲婕妤好其後趙飛燕姊弟浸盛婕妤好失寵稀

復進見鵲燕三年趙飛燕譖告許后班婕妤好挾媚道祝詛怨
詈許后坐廢考問班婕妤好婕妤對曰妾聞死生有命富貴在
天修正尙未蒙福爲邪欲以何望使鬼神有知不受不臣之
愬如其無知愬之何益故不爲也上善其對憐憫之賜黃金
百斤婕妤好恐久見危求供養太后長信宮上許焉婕妤好退處
作賦自傷悼後充奉園陵卒因葬園中

右漢五人

惠賈皇后名南風小名昔襄陵人充女初武帝欲爲太子娶
衛瓘女曰衛公女有五可賈公女有五不可衛家種賢而多
子美而長白賈家種妒而少子醜而短黑元后固請荀顛荀
勳並稱充女之賢乃定婚年十五大太子二歲泰始八年二
月冊拜太子妃始忌多權詐嬪御罕進惠帝初立爲后生河

東臨海始平公主哀獻皇女後以詿書承華死

簡文順王皇后諱簡姬太原晉陽人選女后以冠族初爲會稽王妃生子道生爲世子永和四年母子竝失意被廢以憂薨咸安二年孝武帝卽位追尊曰順后葬高平陵追贈后父選特進光祿大夫散騎常侍

孝武定王皇后諱法慧哀靖皇后之姪也蘊女初帝將納后訪於公卿時蘊子恭以弱冠見僕射謝安安深敬重之旣而謂人曰昔毛嘉恥於魏朝楊駿幾傾晉室若帝納后蔭望如王蘊乃可旣而訪蘊女容德淑令乃舉以應選甯康三年中軍將軍桓沖等奏議於是帝始納焉封蘊妻劉氏爲樂平鄉君蘊加訓誡后自改節太元五年年二十一薨葬隆平陵哀靖王皇后諱穆之太原晉陽人司徒左長史濛女初爲琅

邠王妃袁帝初立爲后追贈母袁氏爲安國鄉君后無子終於興甯二年時在位三年矣

右晉四人

北漢劉聰后劉氏名娥字麗華新興人太保劉殷女也幼而聰慧晝營女工夜誦書籍傅母恒止之娥敦習彌厲每與諸兒講經義理趣超遠諸兒深以歎服性孝友善風儀進止劉聰召爲右貴嬪甚寵之俄拜爲后將起鸚儀殿以居之廷尉陳元達切諫聰將斬之娥時在後堂私敕左右停刑手疏啟曰伏聞將爲妾營殿今昭德足居鸚儀非急四海未一禍難猶繁動須人力資財尤宜慎之廷尉之言國家大政夫忠臣之諫豈爲身哉帝王拒之亦非顧身也妾仰謂陛下上尋明君納諫之昌下忿閹主拒諫之禍宜賞廷尉以美爵酬廷尉

以裂土如何不惟不納而反欲誅之陛下此怒由妾而起廷尉之禍由妾而招人怨國疲咎歸於妾拒諫害忠亦妾之由自古敗國喪家未始不由婦人者也妾每覽古事忿之忘食何意今日妾自爲之後人之觀妾亦猶妾之視前人也復何面目仰侍巾櫛請歸死此堂以塞陛下誤惑之過聰覽之色變以娥表示元達曰外輔如公內輔如后朕無憂矣及娥卒謚武宣皇后其姊英字麗芳亦聰明涉學而文詞機變曉達政事過於娥初與娥同召拜至貴嬪尋卒追謚武德皇后案平神覽以麗芳爲大劉后麗華爲小劉后所引前趙錄疏諫事出麗芳非麗華也與晉書異當是崔鴻原文今本十六國春秋爲明人僞作雜採之史茲姑仍舊志

後趙劉皇后侍中閏中妹後部人也勒納之於壺關美色有特寵張枻反於襄城后抽劍斬之勒賴后而濟后性惠有幹

助理軍國之務有呂氏輔漢之風然嚴整貞婉容裕不如過之也石宏卽位尊爲皇太后與彭城王堪謀殺石虎謀泄虎殺之

前秦苻丕后楊氏初爲長樂公妃太安初丕卽位於晉陽立爲皇后慕容永殺丕據長子卽皇帝位改元中興將以楊氏爲上夫人楊氏不從引劍刺永爲永所殺登旣嗣位追謚曰哀平皇后

右十六國四人

獻明賀皇后父野于東部大人后少以容儀選入東宮生太祖苻洛之內侮也后與太祖及故臣民避難北徙俄而高車奄來抄掠后乘車與太祖避賊而南輅失轄后懼仰天告曰國亂允胄豈正爾絕滅也惟神靈扶助遂馳輪正不傾而免

難其後劉顯使人將害太祖帝姑爲顯弟亢湫妻知之密以告后后乃令太祖去之后夜飲顯醉之向晨故驚殿中羣馬使起視馬泣而謂曰吾諸子始皆在此今盡亡失汝等誰殺之也故顯不使急追太祖至賀蘭部顯怒將害后后夜奔亢湫家匿神車中三日亢湫舉室請救乃得免會顯部亂始得亡去皇始元年崩時年四十六附葬於盛樂金陵追尊謚配

贊焉

道武宣穆皇后劉眷女也登國初納爲夫人生華陰公主後生明元帝后專理內事寵待有加鑄金人不成故不得登后位魏故事後宮產子將爲儲貳其母皆賜死太祖末年后以舊法薨太宗卽位追尊謚號配饗太廟自是後宮子爲帝母加正位配饗焉

太武敬哀賀皇后代人初爲夫人生景穆太子神廡元年薨
追贈貴嬪葬雲中金陵後追尊號謚配享太廟

景穆恭皇后郁久闕氏河東王毗妹也少以才選入東宮有
寵生文成帝而薨文成卽位追尊號謚葬雲中金陵配享太
廟

宣武于皇后太尉烈弟勁之女也世宗始親政事烈時爲領
軍總心膂之任以嬪御未備因左右諷諭稱后有容德世宗
乃迎入爲貴人時年十四甚見寵愛立爲皇后謁於太廟后
靜默寬容性不妒忌生皇子昌三歲夭沒其後暴崩宮禁事
祕莫能知悉而世議歸咎於高夫人祔葬永泰陵謚曰愼皇
后

孝武高皇后齊神武長女也帝見立乃納爲后及帝西幸關

中降爲彭城王妃

東魏孝靜高皇后齊神武第二女天平四年詔聘爲后神武前後固辭不許興和初嘗詔司徒孫騰司空襄城王昶等奉詔致禮以后駕迎於晉陽之丞相第五月立爲后大赦

西魏廢帝皇后宇文氏周文帝女也后初產之曰有雲氣滿室芬蒸久之幼有風神好陳列女圖置之左右周文曰每見此女良慰人意廢帝之爲太子納爲妃及卽位爲皇后志操明秀帝深重之專寵後宮不置嬪御帝既廢后亦以忠於魏室權禍

恭帝皇后若干氏司空長樂公正惠之女也有容色恭帝納之爲妃及卽位立爲皇后後出家爲尼在佛寺薨竟無諡

右後魏九人

武明皇后婁氏諱昭君代人贈司徒內干女少明悟強族多聘之竝不肯行及見神武城上執役驚曰此真吾夫也乃使婢逆意又數致私財使以聘已父母不得已而許焉神武既有澄清之志傾產以結英豪密謀祕策后恆參預及拜渤海王妃闔閭之事悉決焉后高明嚴斷雅遵儉約往來外舍侍從不過十人性寬厚不如忌神武姬侍咸加恩待神武嘗將西討出師后夜孳生一男一女左右以危急請追告神武后弗聽口王出統大兵何得以我故輕離軍幕死生命也來復何爲神武聞之嗟歎良久沙苑敗後侯景屢言請精騎二萬必能取之神武悅以告后后曰若如其言豈有還理得獯矢景亦有何利乃止神武逼於蠕蠕欲娶其女而未決后曰國家大計願勿疑也及蠕蠕公主至后避正室處之神武媿而

拜謝焉后曰彼將有覺願絕勿顧慈愛諸子不異已出躬自
紡績人賜一袍一袴手縫戎服以帥左右弟昭以功名自達
其餘未嘗爲謀爵位每言有財當用義不以私亂公文襄嗣
位進爲太妃文宣將受魏禪后固執不許因是中止天保初
尊爲皇太后宮曰宣訓濟南初尊爲太皇太后尙書令楊愔
等輔政密與孝昭及諸大將定策戮之孝昭卽位復爲皇太
后後又下詔立武成帝大甯二年春用巫媼言改姓石氏時
年六十二矣五月甲申台葬義平陵太后凡孕六男二女皆

感異夢焉

彭城太妃爾朱榮之女魏孝莊后也神武納爲別室敬重踰
於婁妃見必束帶自稱下官神武迎蠕蠕公主還爾朱迎於
木井北與蠕蠕公主前後別行不相見公主引角弓仰射剌

鷓鴣絃而落妃引長弓邪發射鳥亦一發而中神武喜曰我
此二婦堪擊賊後爲尼神武爲起佛寺天保初爲太妃及文
宣狂酒將無禮於太妃太妃不從遂遇禍

上黨韓太妃軌之妹也神武微時欲聘之軌母不許及神武
貴韓氏寡乃納之

後主皇后斛律氏左丞相光之女也初爲皇太子妃後主受
禪立爲皇后武平三年五月生女帝欲悅光詐稱生男爲之
大赦光誅后廢在別宮後令爲尼

右北齊四人

文帝皇后叱奴氏代人也文帝爲丞相時納爲姬生武帝天
和三年六月尊爲皇太后建德三年五月葬永固陵
宣帝皇后尉遲氏名繁熾蜀公迴孫女有美色初適杞公亮

子西陽公暹以宗婦例入朝後入宮拜長貴妃大象二年三月立爲天有大皇后尋出俗爲尼改名華道隋開皇十五年

明敬皇后獨孤氏太保衛公信長女帝在藩納爲夫人二年正月立爲王后四月葬昭陵武成初追崇皇后後合葬焉

右北周三人

齊武穆裴皇后諱惠昭河東聞喜人祖封之給事中父璣之左軍參軍性剛嚴竟陵王子良妃袁氏有過后加訓罰昇明三年爲齊世子妃建元元年爲皇子妃二年薨謚穆妃葬休安陵時議欲立石誌王儉曰石誌不出禮起宋元嘉中顏延之爲王球百誌素族無銘策故以紀行自爾以來共相祖習備妃之重禮絕恆例既有哀策不煩石誌從之武帝卽位追

尊爲后贈父璣之光祿大夫母檀氏餘杭廣昌鄉元君

陳宣柳皇后諱敬言河東解縣人曾祖世隆祖暉父偃后九歲幹理家事有若成人侯景之亂后與弟盼往江陵依梁元帝帝以長城公主故待遇甚厚以配宣帝承聖二年生後主於江陵及魏克江陵宣帝遷關右后與後主俱留穰城天嘉二年還朝后爲安成王妃宣帝卽位立爲后后美姿容身長七尺二寸手垂過膝初宣帝居鄉里先娶吳興錢氏及卽位拜貴妃甚有寵后傾心下之每尙方供奉物其上者皆推於貴妃而已御其次焉及始興王叔陵之變後主賴后與吳媼救而獲免後主卽位尊爲皇太后宮曰宏範百司衆務皆決於后後主創愈乃歸政焉后性謙謹未嘗以宗族爲請雖飲食亦無所分遺後入長安隋大業十二年薨於東都年八十

二葬洛陽之芒山

右南朝齊陳二人

文獻皇后獨孤氏諱伽羅雲中人周大司馬衛公信女信見文帝有奇表故以后妻焉時年十四帝與后相得誓無異生子后姊爲周明帝后長女爲周宣帝后貴戚之盛莫與爲比每謙卑自守及隋文帝居禁中總百揆后使李圓通白曰騎虎之勢必不得下勉之隋初立爲后突厥與中國交市有明珠一箇價值八百萬幽州總管陰壽白后市之后曰將士罷勞未若以八百萬分賞有功百寮聞而畢賀帝臨朝后輒與上方輦而進至閣乃止使宮官伺有失政隨匡諫多所宏益候退朝同至寢殿相顧欣然后早失二親常懷感慕見公卿有父母者每致禮焉有司奏周禮百官之妻命於王后請依

古制后日以婦人與政或從此漸不可開其源也不許后每見諸公主舉周家公主以誠后姑子都督崔長仁犯法將以后故免之后曰國家之事焉可顧私長仁竟坐死異母弟陀以猫鬼呪詛后坐當死后三日不食爲之請命曰陀若蠱政害民者不敢言坐爲妾身敢請其命陀於是滅死一等后雅性儉約嘗合藥須胡粉一兩宮內不用求之竟不得又欲賜柱國劉書妻織成衣領宮內亦無上以后不好華麗時齊七寶車及鏡臺絕巧麗使毀車而以鏡臺賜后后雅好讀書識達今古凡言事皆與上意合每聞大理決囚輒流涕然性尤妬後宮莫敢進御嘗以高顯因尉遲迥孫女謂已爲一婦人遂銜恨承華妃元氏暴薨后意愛妾雲氏嘗之由是諷黜高顯立晉王廣皆其謀也仁壽二年八月薨年五十九矣葬太

陵

右隋一人

薛婕妤汾陰人，道衡女也。高祖時入宮，楊燭薛振行狀神變。婕妤河東郡夫人公之姑也。每侍高祖，詞翰高祖嘗顧曰：不見婕妤，經數日，便謂社稷不安。其見重如此。

高宗王皇后，并州祁人。魏尚書左僕射思政孫。從祖母同安長公主以后，婉淑自。太宗以爲晉王妃。王居東宮，妃亦進冊。帝卽位，立爲后。父仁祐以特進封魏國公。母柳本國夫人。仁祐卒，贈司空。初，蕭良娣有寵，而武才人爲昭儀。俄爭寵，更相毀短。昭儀誣后與母挾媚，道盡。上詔解魏國夫人門籍。李義府等陰佐昭儀，以偏言激怒，遂廢后。良娣皆爲庶人。后母兄宗族悉流嶺南，盡奪其父仁祐官爵。俄被害，改姓蟒。

高宗武皇后并州文水人荊州都督士護女太宗聞其美召爲才人方十四母楊慟泣與訣后獨自如日見天子庸知非福何兒女悲乎母避其意止泣既見賜號武媚後與嬪御皆爲比丘尼高宗引納內宮進爲昭儀久之進號宸妃尋奉璽綬爲皇后命羣臣及四夷酋長朝肅義門內外命婦入謁朝后自此始后更爲太平文治事大集諸儒內禁殿撰定列女傳臣軌百寮新誠樂書等大抵千餘篇上元元年進號天后建言十二事皆下詔略施行之儀鳳三年羣臣蕃夷長朝於光順門贈士護太原郡王卽并州建廟中宗初天后稱皇太后后參決軍國大務嗣聖元年臨朝以睿宗嗣自是常御紫宸殿追贈五世王喬皆置國邑立五世廟室又詔爲明堂度明堂後爲天堂作崇先廟於西京享武氏后自號聖母神皇作

神皇靈永昌元年享萬象神宮改服袞冕作壘而塋②四〇
 厥庶胤秀击十二文后白名壘因改號周自稱聖神旌幟尙
 赤以睿宗爲皇嗣立武氏七廟於神都僞上尊號尊周文王
 謚文帝號始祖妣曰文定后武王謚康睿帝妣姜曰康惠
 后太原靖王謚成嚴帝祖妣曰成莊后后五世祖後魏散騎
克已初贈魯國公後
 故世趙肅恭王謚章敬帝號肅祖妣曰章敬后后高祖齊殷
州司馬居常
 高祖北平郡魏康王謚昭安帝號烈祖妣曰昭安后后齊永昌
齊永昌
 王後改姓魏宋祖周安成王謚文穆帝號顯祖妣穆后
 隋高祖王後改姓魏宋祖周安成王謚文穆帝號顯祖妣穆后
 太原郡王妣趙贈考忠孝太皇謚孝明高帝號太祖妣曰孝
 明高后楊忠烈夫人進妃盡王諸武詔并州文水縣爲武
 興比漢豐沛百姓世給復以始祖冢爲德陵睿祖爲喬陵嚴
 祖爲節陵肅祖爲簡陵烈祖爲靖陵顯祖爲永陵太祖爲昊

陵妣爲順陵

初號章德陵妣楊別

明年又自加號金輪聖神

尊其顯祖爲立極文穆太祖爲無上孝明延載二年加號天

册金輪聖神改明堂爲通天宮以崇先廟爲崇尊廟改吳陵

署爲攀龍臺神龍元年居迎僊院中宗復位后從上陽宮遷

東都武氏廟於崇尊廟更號崇恩諸武王咸降爵崩年八十

一矣謚則天大聖皇后祔乾陵景雲時初廢崇恩廟及陵先

天中詔黜周孝明號復爲太原郡王后爲妃罷吳順等陵

元宗貞順武皇后恆安王攸正女從父延秀再從叔三思幼

入宮上卽位寢得幸時王后廢進冊惠妃禮秩比后封所生

母楊鄭國夫人弟忠國子祭酒信祕書監將遂立爲后御史

潘好禮上疏極諫遂不果立生壽王盛王咸宜太華二公主

妃薨四十餘贈尊號及謚葬敬陵

貴妃楊氏隋梁郡通守汪四世孫徙籍蒲州遂爲永樂之獨
頭村人幼孤養叔父家始爲壽王妃開元二十四年或言妃
姿質天挺宜充掖庭遂召內禁中卽爲自出妃意者丐籍女
官號太眞更爲壽王聘韋昭訓女而太眞得幸號娘子儀體
與后等天寶初進冊貴妃追贈父元揆太尉齊國公擢叔元
珪光祿卿宗兄鉅鴻臚卿錡侍御史尙太華公主而釗亦寢
顯釗國忠也三姊皆美詔呼爲姨封韓號秦三國夫人鉅以
上往國門列戟與錡國忠諸姨五家第舍聯亘率一堂費緡
千萬詔爲元揆立家廟上自書其碑鉅秦國早死故韓號與
國忠貴最久妃年三十八及禍乃天寶十五載也
郝氏元宗在潞潛邸時偶出獵西火鎮郝洽謁見隨幸其第
見其女秀整許充後宮

孝敬皇后裴氏聞喜人冀國公居道女

裴貞一昭宗宮人封河東夫人朱溫使蔣元暉朱友恭夜叩宮門殺貞一帝在椒殿方醉遽起單衣繞柱走史大進殺之昭儀李漸榮以身蔽帝曰甯殺我曹勿殺大家大亦殺之朱溫誣飾曰裴貞一夜持刀謀逆懼罪投井死追奪河東夫人

右唐八人

後唐太祖正室劉氏代北人也其次妃曹氏太原人也太祖封晉王劉氏封秦國夫人自太祖起兵代北劉氏常從征伐爲人明敏多智略頗習兵機常教其侍妾騎射以佐太祖太祖東追黃巢還軍過梁館於封禪寺梁王邀太祖入城置酒上源驛夜半以兵攻之太祖左右有先脫歸者以難告夫人夫人神色不動立斬告者陰召大將謀保軍以還遲明太祖

遷軍與夫人相向慟哭因欲舉兵擊梁夫人曰公本爲國討賊今梁事未暴而遽反兵相攻天下聞之莫分曲直不若斂軍還鎮自訴於朝太祖從之其後梁連歲攻晉圍太原晉兵屢敗太祖憂窘不知所爲大將李存信等勸太祖亡入北邊收兵以圖再舉太祖然之入以語夫人夫人曰誰爲此謀者曰存信也夫人罵曰存信代北牧羊兒耳安足與計成敗耶且公常笑王行瑜棄邠州走卒爲人禽今乃自爲此乎昔公亡奔遼軀幾不能自脫賴天下多故乃得南歸今屢敗之兵散亡無幾一失其守誰能從公北邊其可至乎太祖大悟乃止已而亡兵稍稍復集夫人無子性賢不妒忌常爲太祖言曹氏當生貴子宜善待之而曹氏亦自謙退因相得甚歡曹氏封晉國夫人後生子是爲莊宗太祖奇之曹氏由是專寵

太祖性暴怒多殺人左右無敢言者惟曹氏從容諫譬往往見聽及莊宗立事曹氏尤謹其救趙破燕取魏博與梁戰河上十餘歲常馳歸省其母至三四人皆稱其孝莊宗卽位册尊曹氏爲皇太后而以嫡母劉氏爲皇太妃太妃往謝太后太后有慙色太妃曰願吾兒享國無窮使吾獲沒於地以從先君幸矣復何言哉莊宗滅梁入洛使人迎太后歸洛居長壽宮而太妃獨留晉陽同光三年五月太妃薨七月太后崩諡曰貞簡葬於坤陵而太妃無諡葬魏縣妃與太后甚相愛其送太后於洛也涕泣而別歸而相思慕遂至不起太后聞之欲馳至晉陽視疾及其卒也又欲自往葬之莊宗泣諫羣臣交章請留乃止而太后自太妃卒悲哀不飲食踰月亦

崩

廢帝劉皇后父茂威應州渾源人爲人強悍初封沛國夫人
上卽位立爲后弟延皓拜宣徽南院使清泰二年爲天雄軍
節度使延皓素謹厚及貴而改節在鄴不恤軍士都虞侯張
令昭逐之走相州有司請行軍法以后故免其官爵而已晉
兵將至后偕焚焉

後晉高祖李皇后唐明宗女后初號永甯公主清泰二年封
魏國長公主自清泰初嘗疑高祖三年公主自太原入朝千
春節辭歸留之不得辭語侵之公主歸以語高祖高祖由是
益不自安晉初公主當爲后以宗廟未立謙抑未遑天福八
年前尊爲皇太后太后爲人強敏高祖常嚴憚之馮后用事
數譏議之開運三年遼太宗使人謂太后曰吾聞重貴不從
母教而至於此可求自便勿與俱行太后答曰重貴事妾甚

謹所失者還先君之命絕兩國之歡今幸蒙大惠全生保家
母不隨子欲何所歸竟隨北行漢乾祐三年八月卒於建州
安太妃代北人為敬儒妻生出帝封秦國夫人出帝立尊為
皇太妃妃老而失明後從北遷卒於建州

後漢高祖李皇后晉陽人父為農高祖少為軍卒牧馬晉陽
夜入其家劫取之高祖已貴封魏國夫人生隱帝開運四年
高祖起兵太原賞軍士帑藏不足欲斂於民后諫曰今起事
號為義兵民未知惠而先奪其財殆非救民之意也今後宮
所有請悉出之雖其不足士亦不以為怨高祖為改容謝之
漢初立為后隱帝尊為皇太后郭允明等遊戲后數切責之
及慕容彥超敗於劉子陵上欲出臨兵太后止之曰郭威本
吾家人非其危疑何肯至此今若按兵無動以詔諭威威必

有說則君臣之際庶幾尙全不克從周太祖入汴舉事皆稱
太后詔已而議立湘陰公贊贊未至乃請太后臨朝俄而太
祖出征軍士擁之以還請事太后爲母於是遷於太平宮上
尊號曰昭聖皇太后終顯德元年一云禪代後昭聖太后歸
太原云

右五代唐晉漢五人

後蜀高祖李后晉王克用弟克讓女蜀高祖孟知祥爲教練
使時晉王奇其才以弟女妻之莊宗卽位封瓊華長公主知
祥鎮西川后與子仁贊尙留太原明宗踐祚知祥使迎之明
宗欲以恩結知祥命李仁矩送歸蜀已而改封爲福慶長公
主長興三年薨贈晉國雍順長公主葬於成都星宿山知祥
稱尊號追策焉

李太后太原人唐莊宗嬪御也莊宗以賜孟知祥一日夢大
星墜於懷告李后后曰婢有福相當生貴子遂常令知府事
未幾生後主爲人明辯知大體初封夫人蜀明德元年進封
貴妃後主踐位尊爲皇太后太后累從征伐備歷艱難由是
性尙慈儉居恆戒後主以固福壽爲務後主初頗遵行之廣
政末典兵者多非其人太后曰吾昔見莊宗跨河與梁戰及
先帝在并州捍契丹入蜀定兩川諸將非有大功不得主兵
故士卒畏服今王昭遠出自廝養伊審微韓保貞趙崇韜皆
膏粱乳臭子素不習兵疆場有事安能禦大敵乎以吾觀之
惟高彥儻太原舊人秉心忠實多所經練終不負汝自餘無
足任者不克從及歸宋太祖盛加優禮賜御衣一襲金銀器
絳紗褥等物詔書呼爲國母以禁舉肩至宮庭命宮嬪扶掖

親酌酒勞之曰母善自愛無戚戚思蜀他日當送母歸太后
曰妾家太原倘得還故鄉不勝大願時北漢尙存太祖大喜
曰俟平劉鈞當如母願後主之沒也太后不哭以酒酹地祝
曰女不能死社稷苟生以取羞吾所以忍死者以汝在也吾
今何用生爲因不食而死太祖聞而傷之賻贈加等同後主
葬於洛陽

右九國後蜀二人

太宗明德李皇后潞州上黨人蒲州刺史處耘第二女開寶
中太祖爲太宗聘爲妃旣納幣太平興國三年始入宮年十
九雍熙元年十二月立爲后后性恭謹莊肅撫育諸子及嬪
御甚厚至道二年封后嫡母吳氏爲衛國太夫人後改封楚
國又封后母陳氏爲韓國太夫人眞宗卽位尊爲皇太后居

西宮嘉慶殿咸平二年宰相請別建宮從之四年宮成移居之仍上宮名曰萬安景德元年年四十五矣謚明德三年十月祔葬永熙陵與懿德符后同祔太宗廟室

眞宗章穆郭皇后太原人宣徽南院使守文第二女潛化二年眞宗在襄邸太宗爲聘之封魯國夫人進封秦國眞宗闕位立爲后后謙約惠下性惡奢靡族屬入謁禁中服飾華侈必加戒勸有以家事求言於上者終不許兄子出嫁以貧欲祈恩資但以裝具給之上尤加禮重景德四年從幸西京還終年三十二上深悼之禮官奏七日釋服特詔增至十三日謚莊穆命翰林學士楊億撰哀策葬永熙陵之西北神主享於別廟以后弟崇仁爲莊宅使康州刺史姪承慶承壽皆遷官祥符中封后母梁氏萊國太夫人仁宗卽位升祔眞宗廟

室改謚章穆

仁宗郭皇后應州金城人平盧軍節度使崇孫天聖二年立
爲后頗見疎後尙氏與楊美人俱幸數忿爭一日尙氏於上
前有侵后語后不勝忿批其頰上自起救之因誤批焉大內
都知閻文應謀廢后勸以爪痕示執政呂夷簡曰古亦有之
后遂廢詔封爲淨妃王京冲妙仙師賜名清悟居長樂宮於
是中丞孔道輔諫官御史范仲淹段少連等十人伏閣言后
無過不可廢俱被黜責景祐元年出居瑤華宮又賜號金庭
教主冲靜元師後遣使存問賜以樂府后和答之辭甚愴婉
嘗密令召入后曰若再見召者須百官立班受冊方可屬小
疾遣文應挾醫往診視數日暴薨中外深疑文應不得其實
乃追復后而停謚冊祔廟之禮焉

右宋三人

孝定李太后穆宗妃神宗生母翼城人徙鄆縣父倬封武清伯穆宗在裕邸時選爲才人進貴妃生神宗進皇貴妃萬厯元年上徽稱曰慈聖皇太后故事皇后進尊爲皇太后若有生母稱尊號者則加徽號以別之時馮保風張居正以竝尊於是尊陞后曰仁聖李貴妃曰慈聖始無別矣仁聖居慈慶宮慈聖居慈甯宮居正請太后護視帝乃徙居乾清太后主持國是專任張居正上御講筵入常令效講臣進講於前當朝五更至寢所呼曰起敕左右掖坐取水盥面挈之登輦以出故起居最嚴神宗嘗在西城曲宴戲割內侍髮翼曰太后傳語閣臣居正具劄切諫令草罪已御札又召上長跪數其過云六年大婚太后將返慈甯宮敕居正謂吾不能視朝夕

先生親受付託其朝夕納誨三月進徽號曰宣文十年進明
肅十二年同仁聖謁山陵二十九年進貞壽端獻三十四年
進慈聖宣文明肅貞壽端獻恭熹四十二年二月上尊諡曰
孝定貞純欽仁端肅弼天祚聖皇太后合葬昭陵別祀崇先
殿后好佛天下名勝地多置梵刹動費鉅萬云初光宗未冊
立給事中姜應麟等疏請被譴太后聞之弗善也福王之國
行有日鄭貴妃欲遲之明年以祝太后誕爲解太后曰吾潞
王亦可來上焉乎貴妃乃不敢留御史曹學程以建言論死
太后憐其母老言於上釋學程后生神宗及靖王潞王

右明一人

公主附

以夫族爲先封邑在晉者次之
官屬義主
貴貴故同於后妃皆採輯各史
列無遺

平陽公主景帝女王皇后生本陽信長公主也爲平陽侯曹

壽所尙壽有惡疾武帝乃詔大將軍衛青尙云

元帝女平陽公主衛婕妤好生

獲嘉長公主名姬顯宗女也適陽邑鄉侯馮柱

平陽長公主名奴顯宗次女適馮順建初八年于奮製主爵

為平陽侯

平陽公主名玉肅宗女適上黨馮由

聞喜公主名興和帝女

右漢六人

常山公主文帝女適侍中太原王濟

繁昌公主武帝女適河東衛瑾子宣

平陽公主武帝女追封

河東公主惠帝女追封

右晉四人

華陰公主道武女適內都大官榮陽公閻大肥

馮澤公主亦道武女華陰公主卒復以閻大肥尙主

宜陽公主明元女適宜都公穆崇子太尉觀

上谷公主明元女適西平公乙瓌

樂陵公主太武女適穆觀子宜都王壽

城陽公主景穆女適穆壽子侍中中書監平國

長樂公主景穆女適平國弟正國

安樂公主景穆女適乙瓌子秦州刺史乾歸

濟北公主文成女適平國子穆伏干

新平長公主文成女適伏干弟汾州刺史侍中中書監穆顗

中山長公主文成女適顗弟長樂王穆亮

西河公主文成女適代人薛初古跋

建興公主平陽長公主皆文成女並適劉昶

長城公主獻文女適南部尙書侍中穆眞

紫幼子

琅邪長公主獻文女適穆亮子侍中紹

常山公主獻文女適東郡王陸昕之奉姑盧氏有孝稱性不
妬忌以昕之無子爲納妾媵而皆育女昕之卒盧氏悼念而
亡喪殯無違禮神龜初與穆氏琅邪長公主並爲女侍中公
主有三女無男以昕之從子子璋爲後事公主盡禮丞相高
陽王雍常日常山妹雖無男以子璋爲兒乃過自生矣天平
中卒

淮陽公主孝文女適西兗州刺史乙瑗

淮南長公主孝文女適乙弗朗

章武長公主孝文女適穆真子恆州刺史泰

始平公主孝文女薨於宮時長樂公主子穆平城早卒乃追贈爲駙馬都尉與公主合葬

上庸公主初封藍田高明婦人也甚有志操適中書監陸子璋事姑常山公主盡禮生六子印駿香騫搏彥師皆聰穎邢邵嘗謂人云藍田生玉固不差矣主教訓諸子皆以義方六子動依禮度亦母氏之訓焉

西魏金明公主文帝女適周相州總管尉遲迴

右後魏二十二人

義甯公主文宣女適朔州斛律武都

右北齊一人

昌樂大長公主文帝姊適代人尉遲俟兜

霍國公主文帝女適賀拔緯

西河長公主文帝女適劉昶

清都公主武帝女適太安郡公閻慶子上柱國毗

新興公主冢宰宇文護女適蘇威

右北周五人

宋東陽獻公主文帝長女適侍中豫甯縣侯太原王僧綽

安同公主孝武女適王僧虔子志志字次道善草隸當時以

楷法謂之書聖歷齊入梁終散騎常侍

齊臨海長公主高帝女適王志弟彬彬字思文好文章習篆

隸與志齊名時人爲之語曰三眞六草爲天下寶入梁終吏

部尙書

梁長城公主武帝次女適河東柳世隆孫都亭侯偃

陳富陽公主文帝女適柳偃子散騎常侍盼

右南朝五人

蘭陵公主字阿五文帝第五女也美姿容性婉順帝於諸女中特所鍾愛適河東柳述時年十八諸姊並駟踞主獨折節遵婦道事舅姑甚謹遇疾必親奉湯藥帝聞之大悅由是述漸見寵遇初晉王廣欲以主配其妃弟蕭瑒文帝將許之後逆適述晉王因不悅及述用事彌惡之文帝崩述徙嶺表煬帝令主與述離絕將改嫁之公主以死自誓不復朝謁表求免主號與述同徙帝大怒曰天下豈無男子欲與述同徙耶主曰先帝以妾適柳家今有其辜妾當徙坐帝不悅主憂憤卒時年三十二臨終上表生不得從夫死乞葬柳氏帝覽表愈怒竟不哭葬主於洪濱川資送甚薄朝野傷之

右隋一人

平陽公主高祖第三女也妻臨汾柴紹義兵起主與紹並在
長安遣使召之紹卽間行赴太原公主乃歸鄂縣散家財招
引山中亡命得數百人起兵以應高祖時有賊潘仁聚眾司
竹園未有所屬公主遣家僮馬三寶說以利害潘仁攻鄂縣
陷之又說羣盜李仲文向善志邱師利等各率眾數百千來
會京師留守頻遣軍討主率三寶潘仁屢挫其鋒主掠地至
武功蓋屋始平皆下之每申明法令禁侵掠故遠近奔赴得
兵七萬公主令間使以聞高祖大悅及義軍渡河道給將數
百騎趨華陰傍南山以迎公主時公主引精兵萬餘與太宗
軍會於渭北與紹各置幕府俱圍京城營中號曰娘子軍封
爲平陽公主以有軍功賞資獨異於他主六年薨及葬詔加

前後羽葆鼓吹大輦麾幢班劍四十人虎賁甲卒太常奏議以禮婦人無鼓吹高祖曰鼓吹軍樂也往者公主舉兵以應義旗親執金鼓有克定之勳周之文母列於十亂公主功參佐命非常婦人比也遂特加以旌殊績謚曰昭公主

臨海公主高祖第十七女下嫁河東公裴師律司空寂子也北景公主太宗七女下嫁平陽柴令武

城陽公主太宗十五女下嫁光祿卿河東薛瓘瓘出爲房州刺史主從之咸亨中主薨而瓘卒子顓封河東縣侯濟州刺史紹左散騎常侍尙太平公主武后時琅邪王沖起兵募士應之事洩並下獄死

新興公主太宗女下嫁長孫曠

晉陽公主字明達幼字兕子太宗女文德皇后所生未嘗見

喜愠色帝有所怒責必伺顏徐徐辯解故省中多蒙其惠莫不譽慶后崩時主始孩不之識及五歲經后所遊地哀不自勝帝諸子惟晉王及主最少故親畜之王每出閣主送至虔化門泣而別王勝衣班於朝主泣曰兄今與羣臣同列不得在內乎帝亦爲流涕主臨帝飛白書下不能辨薨年十二帝聞三旬不常膳日數十哀因以癯羸詔有司簿主湯沐餘資營佛祠墓側

太平公主高宗女則天皇后所生后愛之傾諸女擇薛紹尙之紹死后殺武攸暨妻以配主主方額廣頤多陰謀后常謂類我而主內與謀外檢畏終后世無他嘗預誅二張功增號鎮國三子崇簡崇敏崇行皆拜三品韋后上官昭容用事自以謀出主下憚之主亦自以軋而可勝於是推進天下士謂

儒者多竄狹厚持金帛謝之以動太讓遠近翕然元宗將誅
韋氏主與祕計遣子崇簡從事定取乘輿服進睿宗睿宗卽
位主權由此震天下加實封至萬戶三子封王餘皆祭酒九
卿元宗以太子監國使宋王岐王總禁兵主惠權分乘輦至
光範門召宰相白廢太子於是朱璟姚元之不悅請出主東
都帝不許詔主居蒲州主居外四月太子表追還京師時宰
相七人五出主門下忌太子明乃有逆謀先天二年死

新郿公主中宗長女下嫁太原武延暉

宣城公主中宗次女始封義安郡主下嫁國子祭酒魏國公
河東裴巽神龍元年進封

永壽公主中宗六女以郡主下嫁太原武延基大晟中忤張
易之爲武后所殺帝追贈以禮改葬號墓爲陵

安樂公主中宗最幼女帝遷房陵而主生解衣以祿之名曰
襄兒姝秀辨敏韋后尤愛之下嫁太原武崇訓帝復位光監
勅天下侯王柄臣多出其門與太平等七公主皆開府而主
府官屬尤濫皆出屠販納訾售官降墨勅斜封授之故號斜
封官臨淄王誅韋庶人主方覽鏡作眉聞亂走至右延明門
兵及斬其首睿宗卽位詔以二品禮葬之

荆山公主睿宗三女下嫁汾陰薛伯陽

沈國公主字華莊睿宗七女始封仙源亦嫁薛伯陽伯陽少
保稷之子也官左千牛將軍子談衛尉卿亦尙主

薛國公主睿宗七女始封清陽下嫁王守一守一誅更嫁裴

巽

鄯國公主睿宗八女崔貴妃所生三歲而妃薨哭泣不食三

日知成人始封荆山下嫁薛儻儻從子也官鄧州刺史
代國公主名華字華婉睿宗女劉皇后所生下嫁鄭萬鈞
霍國公主睿宗女下嫁光祿卿河東裴虛已

唐昌公主元宗四女下嫁光祿卿河東薛鏞

永甯公主元宗十九女下嫁裴異子祕書監齊邱

齊國公主元宗二十女下嫁衛尉卿裴穎異之孫國子司業
齊閔子也

新平公主元宗二十八女幼智敏習知圖訓帝賢之下嫁太
僕卿河東裴珍虛已弟也

晉國公主元宗女始封高都下嫁崔惠童貞元元年徙封
臨晉公主元宗女皇甫淑妃所生下嫁郭潛曜

萬春公主元宗女杜美人所生下嫁楊朮又嫁楊筠

和政公主肅宗次女章敬太后所生生三歲后崩養於韋妃性敏惠事妃有孝稱下嫁河東柳潭安祿山陷京師姊甯國公主方殘居主棄三子奪馬以載甯國身與潭步日百里潭躬水薪主躬爨以奉甯國初潭兄澄之妻楊貴妃姊也勢幸傾朝公主未嘗干以私及死撫其子如所生從元宗至蜀始封懋潭駙馬都尉郭千仞反元宗御元英樓諭降之不聽潭率折衝張義童等殊死鬥主發弓授潭潭手斬賊五十級平之肅宗有疾主侍左右勤勞詔賜田以女弟寶章主未有賜因議不敢當阿布思之妻隸掖庭帝宴使衣綠衣爲倡主諫曰布思誠逆人妻不容近至尊無罪不可與羣倡處帝爲免出之自兵興財用耗主以貿易取奇贏千萬贍軍及帝山陵又進邑入千萬代宗初立屢陳人間利病國家盛衰事吐番

犯京師主避地南奔次商於遇羣盜主諭以禍福皆稽顙願
爲奴代宗以主貧詔諸節度餉億主一不取親紉綻裳衣諸
子不服紉絺廣德時吐番再入寇主方妊入語備邊計潭罔
止主曰君獨無兒乎入見內殿翌日免乳而薨

永和公主肅宗女韋妃所生始封寶章下嫁王銓

永清公主代宗三女下嫁太常卿裴倣太僕珍子也

晉陽公主代宗十三女下嫁太常少卿裴液部國公主前子
也

義清公主代宗十四女下嫁祕書少監河東柳杲

臨眞公主德宗四女下嫁祕書少監薛釗

宣都公主德宗十女下嫁殿中少監河東柳昇

西河公主順宗女始封武陵郡主下嫁沈翬

陳留公主憲宗八女下嫁太子諭德河東柴損

眞甯公主憲宗九女下嫁河東薛勣

永安公主憲宗女長慶初許下嫁回鶻保義可汗會可汗死
不行太和中丐爲道士詔賜邑印如尋陽公主故事且歸婚
貨

義甯公主憲宗女未及下嫁卒

淮陽公主穆宗次女張昭儀所生下嫁大理評事河東柳正
清源公主穆宗女太和時卒

靜樂公主武宗女咸通時卒

許昌莊肅公主宣宗十女下嫁柳陟

昌甯公主懿宗女

新興公主樂平公主並昭宗女

右唐三十九人

鄭國公主太宗女至道三年初封賢懿長公主下嫁王溥孫
從子行改名貽永景德元年薨謚懿順景祐三年追封雍國
大長公主貽永字季長歷官至尚書右僕射性清謹在樞密
十五年能遠權勢迄無過失終檢校太師景靈宮使贈太師
中書令謚康靖

荆國長公主太宗女幼善女功及長性儉約號知禮真宗改
封萬壽公主下嫁李崇矩孫遵勛賜第永甯里所居堂登及
瓦簷多爲鸞鳳主悉令鑊去服有龍飾悉屏藏之帝聞歎美
後遵勛守許州得暴疾主不待報率從者竟往居喪哀毀循
禮服除不御華麗嘗曲燕帝親爲簪花辭曰誓不爲此久矣
兼善筆札喜圖史能爲歌詩誠諸子守忠義無恃晉以速悔

尤目病喪明帝與后妃以下皆至第候問帝親爲舐之曰先帝伯仲之籍十有四人今獨存大主儻疾可移於朕亦所不避也臨沒隱几沖淡自若遺誠諸子遵父遺命無藏金玉以葬年六十四帝臨奠五輟視朝追封齊國大長公主諡獻穆魏國大長公主英宗女景祐八年封寶安公主神宗立進舒國長公主下嫁王全斌五世孫詵母盧氏寡居主處之近舍日致膳羞盧病自和湯劑以進帝厚於姊妹居第池藥服詵極其華縟主以不得侍宣仁於寶慈宮居常悒然間遇旱暵亦從帝降損以禱曰我奉賜皆出公上固應同其休戚帝居慈聖喪毀甚主云與上同體視此復何聊賴亦散遣歌舞三十輩平居不妒忌詵得自恣嘗貶官帝命復之以慰主意元豐三年疾篤太后臨問慟哭帝繼至自爲脰脈親持粥飲之

主強爲盡食問所須但謝帝復詵官薨年三十主好讀古文
章善筆札闕恤族黨中外惜之輟朝五日累改秦荆魏三國
主諡賢惠

右宋三人

永康公主憲宗次女下嫁崔元元代州人世宗人繼以迎立
功封京山侯給誥券元好交文士播聲譽寵幸優渥勳臣戚
畹莫敢望焉嘉靖二十八年卒贈左柱國太傅兼太子太傅
諡榮恭駙馬封侯贈官不以軍功自元始主先元薨

右明一人

節孝

裴氏杜父妻成恭皇后之母也父襲當陽侯爲丹陽丞裴氏
生后而父天癈居養后以禮自防甚有德音成安初封高安

鄉君州

劉殷妻張宣子女宣子家富於財以女妻殷其妻怒曰我女
年始十四姿識如此何慮不得為公侯妃而遽妻劉殷乎宣
子曰非爾所及也誠其女曰劉殷至孝冥感兼才識超世此
人終當遠達為世名公汝其謹事之張氏性亦婉順事祖姑
王母以孝聞奉殷如君父焉及王氏卒殷夫婦毀瘠幾至滅
性時樞在殯而西鄰失火風勢甚盛殷夫婦叩殯號哭火遂
越燒東家後二白鳩巢于庭樹自是名譽彌顯州

右晉二人

金州刺史郭牙妻崔氏牙調官當赴留氏事母母病劇牙沒
於官氏忍容事之不令有聞母尋卒牙匿亦至氏盡禮營葬
畢不食而死鄉人表為孝節之門蒲州府

燕國公主文謨母張氏封夫人漢張良之裔矢德不爽克稱
聖善夫死訓成令子婦居白首年六十有六卒

州

樂部郎胡長命妻張氏事姑王氏甚謹太安中京師禁酒張
以姑老且患私爲醞爲有司所糾王氏詣曹自首由已私釀
張氏曰姑老抱患張主家事姑不知釀主司不知所處平原
王陸麗以狀奏文成義而赦之

大同府

姚孝女字勝河東人少喪父無兄弟年六七歲卽有孝性言
其父者聞輒垂泣正光中母死勝年十五哭泣不絕聲水漿
不入口者數日不勝哀遂死太守崔遊申請爲營墓立碑自
爲制文表其門閭比之曹娥改里名曰上虞里

蒲州府

右後魏四人

李景讓母鄭氏早寡治家嚴身訓諸子始貧乏時治牆得積

錢僮婢奔告母曰士不勤而祿猶蓄其身況無妄而得我何
取亟使閉坎景讓自右散騎常侍出爲浙西觀察使母問行
日景讓率然對有日鄭曰如是吾方有事未及行蓋怒其不
嘗告也且曰已貴何庸母行景讓重請舉乃赦故雖老猶加
誨救已起欣欣如初嘗怒牙將杖殺之軍且謀變母召景讓
廷責曰爾鎮撫方面而輕用刑一夫不宿豈特上負天子亦
使百歲母銜羞泉下何面目見先大夫乎將鞭其背羣吏大
將再拜請不許皆泣謝迺罷一軍遂定景讓家行修治閨門

惟謹皆母教也

太原府

林氏濟南人臨城丞薛元曖妻也元曖早卒林博涉五經有
母儀令德訓其子彥國彥輔彥偉彥雲及姪據總攝並登進

士第衣冠榮之

蒲州府

楚媛裴仲將妻歸仲將克脩婦道相敬如賓姑有疾親嘗湯藥接娣姒皆得歡心時宗女競尙驕奢請媛曰所貴乎富貴者得適志也獨守勤苦何求媛曰幼而好禮今而求之非適志與富貴儻來之物何足驕人娣姒慚服及聞王父薨號慟嘔血不御膏沐垂二十年

州

衛孝女字無忌夏縣人父爲鄉人衛長則所殺無忌甫六歲母更嫁無兄弟及長志報父讐讐從父大延客長則在坐無忌抵以篲殺之詣吏稱父讐既復請就刑巡按大使褚遂良以問太宗嘉其孝烈特免其罪給傳徙雍州賜田宅令有司以禮嫁之

州

右唐四人

司馬沂妻李氏年二十八沂沒父母欲奪其志翁姑亦遣焉

李不可惡衣蔬食躬執勤勞教二子詠里詠早卒里登進士
第累官太常少卿氏封永壽太君

司馬諸妻王氏進士王禹女生子京未逾歲而諸沒矢志
節京長以蔭補官氏封福昌縣太君年七十九卒

司馬夢求母程氏嫁甫及門夫死誓不他適旌曰節婦撫族
子夢求爲後官江陵以忠殉國以上
澠州

右宋三人

王海妻廉氏全女年十七適王生子甫週夫沒奉姑撫子終
身不二大定四年旌表蒲州府

周均實妻王氏歸均實生子甫暉均實卒誓死不嫁年十七
卒大定元年旌

曹二妻郭氏年十九適曹生子甫二歲夫亡砥節撫孤卒年

七十有五 大定五年旌表

以上解州

劉璋妻樂氏年二十一夫亡遺孤長晬次止十七日耳氏截髮誓守值貞祐已巳荒變中彌堅苦節歷五十餘年鄉人扁

其堂曰敬寒

澤州府

薛孝女舜英尙書左右司員外郎天驥女適進士張伯豪伯豪死依父母居崔立反劫殺宰相天驥被創甚醫弗效女日夜涕泣割股肉以進天驥竟死時京城閉久食盡重以喋血之變剽奪凌暴無復人紀舜英讀書知禮義思自完葬父之明日絕脰死士女賢之其家以舜英合葬伯豪之墓元好問銘其墓曰嗟惟孝女之死自遂死而有知乃父子之聚以子則孝以婦則義以斷則勇以守則智於今之人麟鳳之瑞州

右金五人

舉人格忠妻王氏年二十三歲忠亡誓不再適時豪貴有求婚者氏曰吾為士人婦以孤幼不即死志未可奪也大德八

年旌表

榆次下同

趙信妻李氏年二十夫沒遺子方晬撫育備至歷四十年大

德十年旌表

康贊妻薄氏贊故家鮮餘貲躬紡織以養親克盡婦道延祐

三年有司旌表貞孝

張恭妻鄭氏少寡誓不再適食不荼苦數十年不少變至順

三年詔旌其門曰貞節

鄭和甫妻段氏年少夫卒家甚窳氏守義自矢終身如一至

正七年旌表

白氏太原人夫棄家為僧自年二十留養姑不去服勤織紝

以供租賦夫一日還迫他適白斷髮不從夫不能奪乃去姑年九十卒竭力營葬肖姑像祀之終身

韓孝女太原民韓岡女也母高氏死女日夕號泣父亦哭而

喪明醫不治女舌餽之竟復明人稱孝女

以上太原府

崔氏周术忽妻丁亥歲從术忽官平陽金將來攻城克之下令官屬妻子敢匿者死時术忽以使事在上黨崔氏急卽抱幼子貞以詭計自言於將將信之使軍吏書其情出之崔氏曰婦人僭使人執而書非禮也以金賂吏使書之紙吏曰吾知汝誠賢婦然令不敢違命崔白揜袖吏懸筆而書焉旣出有言其詐者將怒命追之崔與貞伏土窖三日得免旣與术忽會未幾术忽以病亡崔卽柩前斥去麗飾服阜布敝衣放散婢僕躬自紡績悉以資產遺親舊有權貴使人諷求娶輒

自爬毀其面不欲生四十年未嘗妄言笑預吉會治家教子有法人比古烈婦云

附

吳榮歸妻李氏生子著甫四歲榮歸以吏值兵南略邑陷而死氏年二十三時值歲祲備極艱苦義不再醮母欲奪其志不聽竄伏山谷間遇危難抱子涕泣禱曰天苟不絕夫祀幸是子之或存也逾十年竟全以歸子長就學登仕年八十四終至元十三年事達省部除免本戶差役

襄陵下同

秦澗夫繼妻柴氏晉甯人澗夫前妻遺一子氏鞠如已出未幾氏有子澗夫死家事日微氏勤苦紡績遺二子就學至正末賊犯晉甯長子爲賊驅迫在圍中旣而得脫初在賊時有惡少與張福爲讐往滅其家及官軍至福訴其事事連柴氏長子法當誅氏引次子詣官泣訴曰往從惡者吾次子非吾

長子也次子曰我之罪可加於兒乎鞠之至死不易言官反
疑次子非柴所生訊之他囚始得其情官義柴氏之行遂釋
其長子而次子亦得不死事聞旌之復其家

靳清妻張氏生子三歲夫亡敬翁姑睦鄰里訓子有成以壽
終有司題旌

杜信卿妻姚氏早寡無子撫姪爲嗣愛育如己出閨門凜肅
終身無霽容至正二十一年旌

衛旗妻馬氏年十八夫故子禎甫二歲織紉養舅姑守志三
十餘年至大八年旌

賈延秀妻王氏年十九夫亡撫三月孤成立守節六十餘年
至元元年旌

王時亨妻郝氏家曲沃金末平陽殘破元兵時至兩朝以滄

水爲界時亨成絳陽城陷死氏年二十餘遺孤德融及二女俱幼氏矢志撫之尋德融爲金人掠去或勸他適氏曰吾子卽不歸我以女紅足自給安忍再適數年德融攜一族妹同返猶得奉養後德融以孝行舉爲縣酒稅監氏年八十有二

卒

曲沃

劉子文妻楊氏年二十二子文卒子原甫五歲守節撫孤至正二十年旌表其門

吉州

李彥和妻楊氏至正間以節旌

鄉

李偉妻文氏曲沃人謙亨母也事姑孝謹姑早寡晚邁足疾氏左右扶掖朝暮無間姑卒遂成痾瘵時稱孝婦以子貴封隴西郡夫人

宋仲榮妻梁氏翼城人舅沒負土爲墳人咸稱孝見元史

平陽府

麻懷祖妻顏氏年十七夫亡撫男紹先守節壽八十有八卒

至大四年詔旌其門

成

薛圭妻王氏年二十適圭生子璧甫時圭卒養姑育子守節

弗渝璧娶杜氏從戍卒杜母勸更適杜曰兒姑守節忍喪心

棄姑耶卒不能奪璧從弟珍娶趙氏珍亡無子年甫二十亦

守志不他孝姑彌謹至元間旌為三節之門

琦氏下同

楊恩妻趙氏生子彥貞方九月恩亡茹苦撫孤皇慶中旌彥

貞娶杜氏亦早孀撫五歲子思諭守志如姑至元四年旌為

雙節之門

張益妻楊氏大德八年以節旌

榮河

忽梁圖妻周氏其先上蔡人梁圖從軍江漢沒於王事氏守

義撫孤年八十卒

萬泉府以

程宅妻武氏潞州人夫亡守節至元二年旌表平章政事李

魏公益書額曰門旌程宅武氏高年耆德

長治下同

牛贊妻張氏青年喪夫子幼遺腹生女遭兵燹產盡攜子女歸依父母矢死守節年八十七而卒事聞詔立石於墓表之

皇甫慶妻張氏年二十守節至正五年旌

襄垣下同

史諒妻趙氏于歸二載諒卒貧無所倚攜孤惠歸依父母泣曰兒忍死撫藐孤欲存史家宗祀一縷耳不然早自縊肯苟活耶父母憐之惠生子嗣宗甫二歲惠卒妻楊氏守志如姑人稱苦節

王宣妻郭氏王爲壺關甲族四世同爨宣提領本州稅課時以能稱宣沒郭守節四十年宣從弟宇從姪英俱早逝宇妻

李氏守節五十年英妻李氏守節四十年胥以壽終一門三

節縣尹邳則上其事於中書免徭役加優恤翰林國史院編

修趙天麟為之志

壺關下同

王天祐妻劉氏天祐將沒以老母幼子為屬劉泣應自是衣

布簪荆歷數十年無愆事育學正楊雲為撰賢孝碑

以上潞安府

姜鳳舉妻皇甫氏天性淑慎歸姜後恪盡婦道夫亡撫育遺

孤一節終老泰定間旌表

汾州府

周氏澤州人安西張興祖妻年二十四夫亡舅姑欲令改適

氏曰妾家祖父皆蚤世祖母暨母並以貞操名妾或中道易

節是忘故夫而辱先人妾不為也孀居三十年以禮奉堂上

更主其父及外祖喪葬事人皆難之事聞旌表

鳳臺

張珊妻曹氏年十九珊亡遺孤甫晬姑先有贅婿李姓者利

所有陰與妻謀鳩兒以絕曹望曹心動乃寄兒母家俾子立恪盡婦道以慰其姑凡五十年所值李姓者死兒克成立年九十終至大間奏聞旌表

高平同

張國用妻許氏年二十二夫亡誓守奉姑泰定三年詔旌曰孝節之門同邑又有段傑妻姬氏李鳳妻王氏王平妻張氏俱著貞節泰定間縣尹郭質奏聞並旌

陽城長官郭福妻關氏福沒於王事氏矢志四十餘年行有

法度至正間旌表

以上澤州府

馮氏名淑安字靜居大名宦家女山陰尹山東李如忠繼妻也如忠初娶蒙古氏生子任而卒繼娶氏大德五年如忠病篤重爲氏慮氏截髮自矢如忠卒後兩月遺腹生子伏李氏及蒙古之族聞如忠有遺財相率來山陰乘氏方病盡取其

賢及子任以去氏不與校一室蕭然惟餘如冢蒙古氏之柩而已朝夕哭泣悲動四鄰久之鬻衣權厝二柩於叢山下攜子廬墓側時年始二十羸形苦志爲女師以自給父母來視憐其孤苦諷改適氏抓面流血不肯從居二十年卒護喪歸葬汶上齊魯間聞者爲流涕大同府

賈賢妻劉氏朔州人夫亡撫子福義福禮勤女紅以供祭養榮居五十餘年至正間旌朔平府

劉璋妻張氏至順三年詔旌志節范州

耶律氏廣德軍宣差聶希甫妻端莊貞靜涉獵書史希甫沒氏年二十二屏膏沐衣縞素妾出二子愛而教之歷四十年

至正間旌平定下同

馮義甫妻陳氏夫亡子女俱幼守節四十餘年呂思誠題曰

清貞作詩美之至正間旌

郝義妻張氏年二十義亡子彌月舅沒姑老舍東有圃日灌畦蠶織以奉姑嘗蓄牝羊孳息以萬計人謂孝節所致子好學爲儒至正間旌表

國子伴讀呂乙鳴妻邵氏年二十三夫亡子幼家貧氏攬織行大家之絲辛苦百倍易甘旨養二親課子成立至正間旌其門歐陽元作記

以上平定州

張惟善母李氏泰定間以節旌

忻州下同

諸生劉晏妻張氏年二十一而孀歷四十年貞操無玷具題旌表

鄉貢進士牛安甫妻賈氏年二十而寡孝事舅姑守節終老

定襄以

上忻州

吉彥亨妻馬氏至順三年詔旌

崞縣下同

譚君澤妻張氏君澤卒誓不再適事姑育子奉詔旌表

辛氏汴梁路總管王德素妻德素居汴卒遺一子三女氏躬

自教育各底于成扶觀歸葬事間詔旌

王瑾妻田氏堅州人瑾早逝氏以貞節著子仲實有孝行聯

彼旌表

繁峙下同

王仲元妻韓氏瑾子婦也夫亡守節鄉黨稱焉

以上代州

河陽路判劉權妻孫氏夏縣人權卒孫撫遺孤文質文浩成

立文浩子海甫週歲喪父親鞠育之後發解登第孀居四十

年卒

解州

韓筠妻劉氏早孀筠弟某素無行乃攜子女去居鄰姆旁舍

治絲枲理生業家寢昌裕迨子有室女有從復歸與姊姒同

居優游以老大德二年詔旌太常博士柳贊爲之傳

絳州下同

段希賢妻李氏年二十四夫亡子榮甫四歲氏奉親育子守

志不渝至正間旌其門

藺門雙節薛氏曹氏兄弟妻也佚其夫名家清澗里至正二

年旌

河津下同

史某妻趙氏喬薛里人至正年旌

丁堅妻秦氏年二十二夫亡遺孤甫二歲孝事翁姑撫子成

人至正十一年旌

常氏適趙姓夫卒事親撫孤克全孀節縣尹顧士安有記

絳州以上

賀遵道妻馮氏年十四夫亡子未週守節不二至正間旌

杜氏大甯人失其夫名少寡守節割體肉療姑病

以上陽州

絳州

趙信妻李氏年二十四信卒事舅姑彌謹比沒竭力營喪葬

撫子習儒業年六十餘終至治間旌表

霍州

徐穀妻張氏穀官倉使卒家貧氏匍匐扶柩歸葬大德秋八

月地震屋傾舅被壓氏躬拾瓦礫血指不知痛尤善事姑垂

訓戒子祭酒蔡文淵為之傳

趙城

郭德元妻張氏張溫甫女年二十四夫亡于幼勤紡績嚴課

讀七十七歲卒至正間旌表

李益妻米氏孝子李忠母也夫卒勵志操終身無教有貞節

門銘

霍州

右元六十一人

山西通志卷一百六十二